

淮寧縣志第四冊

卷十一

古蹟志

墳墓 坊表
寺觀 附

卷十二

五行志

卷十三

藝文志

淮寧縣志卷之十一

辛酉科舉人河南陳州府淮寧縣知縣永銘纂修
古蹟志

宛丘爲太昊之墟神農都之始名陳說者曰陳舊也爲伏羲所居之舊都也春秋時爲陳侯國自漢以來稱天下名區古蹟多於列郡然地當衝要屢經兵燹往往闕然湮滅必欲穿鑿附會以實之則陋矣茲特就其可考者詳著於篇而以古墓坊表寺觀附焉述古蹟志

犖城 一作櫟

淮寧縣志卷之十一

古蹟

一

春秋僖公元年公會齊侯宋公鄭伯曹伯邾人于櫟

左傳楚人伐鄭盟于犖

水經注王隱曰犖北有谷水犖卽櫟矣經書公會齊宋于櫟者也杜預曰櫟卽犖也在陳縣西北爲非櫟小城也在陳郡西南

乾隆府廳州縣圖志犖城在縣西北

方城

乾隆府廳州縣圖志方城在縣東南十里

府志在城東南四十里始築無考以城制方故名

夏亭城

寰宇記陳州南頓縣西南三十里有夏亭城
府志城北五里有株林非西華東西兩夏亭也

樂嘉故城 在縣西南平信鄉舊志以爲潁陰城誤

漢書地理志汝南郡博陽註侯國莽曰樂嘉

新平故城

漢書地理志淮陽國新平

後漢書郡國志陳國新平

河南通志新平城在陳州東北

乾隆府廳州縣圖志漢新平故城在縣東北

淮寧縣志卷之十一

古蹟

二

固始故城

漢書地理志淮陽國固始注師古曰本名寢丘楚
令尹孫叔敖所封地

後漢書郡國志汝南郡固始侯國故寢也光武中
興更名有寢丘注史記曰楚莊王封孫叔敖子又
蒙恬破楚軍

乾隆府廳州縣圖志固始故城在縣西北

長平故城 在縣西北七十里

漢書地理志汝南郡長平注莽曰長正

後漢書郡國志陳國長平故屬汝南

晉書地理志梁國長平

舊志漢置縣屬淮陽國

按漢書地理志淮陽國無長平舊志誤

武平故城 在縣東北七十里

後漢書郡國志陳國武平注左傳成十六年諸侯
侵陳鳴鹿杜預曰縣西南有鹿邑

晉書地理志梁國武平

府志漢置縣屬淮陽國

按漢書地理志淮陽國無武平且武平縣名至後
漢時始置府志誤

淮寧縣志卷之十一

古蹟

三

南陽故城

魏書地形志南陽郡南陽

隋書淮陽郡宛丘注後魏置南陽郡東魏廢

乾隆府廳州縣圖志後魏南陽廢縣在縣東

臨蔡故城 在縣東北 十里

隋書地理志淮陽郡宛丘注後魏曰項置陳郡開
皇初縣改名宛丘尋廢郡後析置臨蔡縣大業初
置淮陽郡并臨蔡縣入焉

河南通志漢光武與王莽相拒築城臨蔡河故名

安平故城 在縣東北七十里渦水南淮鹿二境交

錯處

水經注渦水東逕安平縣故城北陳留風俗傳曰
大棘鄉故安平縣也士人敦熹易以統御

古糧城 在城北三里蔡河濱

乾隆府廳州縣圖志古糧城在縣北一里

府志門上有樓繞以周垣舊以貯江淮漕運之糧
今建關帝廟

畫卦臺 一名八卦臺又名八卦壇在縣北一里明
正統三年知州張志道增建亭垣周十三門石刻一
座嘉靖二十四年知州唐方鼎建大殿七間石刻四

淮寧縣志卷之十一

古蹟

四

座東西廂各三間門一座嘉靖丙辰知州李應霑修
之立坊於西曰觀察遺趾萬歷初知州洪蒸增捲棚
五間八角亭一座內塑伏羲像知州許汝升繼立坊
於舊處曰則圖古壝今廢止存基康熙八年知州方
于光重修大庭三楹二十八年知州王清彥修整補
葺後復圯壞僅存臺趾嘉慶二十二年知府李振翥
率知縣劉廣澍勸捐創建千戶劉國棟邑紳趙慶雲
等董其事殿宇乃復一新

元和郡縣志宛丘縣八卦臺在縣北一里古伏羲
氏始畫八卦於此

路史註今宛丘城北一里有伏羲廟八卦壇
太平寰宇記宛丘縣八卦壇在縣北一里伏羲於
蔡水得龜因畫八卦之壇舊有長史張齊賢文後
刺史李邕撰新文刊之

揲蓍壇 在陳州城外

河南通志伏羲揲蓍之所內有蓍草堂

絃歌臺 在城外西南隅世傳爲孔子在陳絕糧處
初名厄臺明成化六年知州戴昕擴其基址建以廟
庭繞以周垣中設木主拜謁名曰厄臺祠弘治七年
知州倪誥重建塑神像於中左右列四科十賢嘉靖

淮寧縣志卷之十一

古蹟

五

七年巡按御史譚纘增拓祠宇題曰絕糧祠二十一
年巡按御史趙繼本改曰絃歌臺其制正殿七間門
二座萬歷二十九年睢陳道徐卽登增其門曰美富
之門 國朝康熙三年設奉祀生一人看守二十一
年知州蕭國弼重修殿宇繪飾聖像暨十哲神像二
十九年知州王清彥重修廟貌補葺墻垣植以松柏
五十三年都御史揆叙重修絃歌臺覆以綠瓦豎以
石柱重塑一聖十賢墻垣殿宇一新歷年旣久椽瓦
頽壞乾隆十九年知府高士鏞率知縣馮奕宿等捐
俸重修嘉慶二十二年知府李振翥率知縣劉廣澍

修葺千戶劉國棟邑紳趙慶雲等實董其事云

史記孔子世家孔子遷于蔡三歲吳伐陳楚救陳軍于城父聞孔子在陳蔡之間楚使人聘孔子孔子將往拜禮陳蔡大夫謀曰孔子賢者所刺譏皆中諸侯之疾今日久留陳蔡之間諸大夫所設行皆非仲尼之意今楚大國也來聘孔子孔子用于楚則陳蔡用事大夫危矣于是乃相與發徒役圍孔子于野不得行絕糧從者病莫能興孔子講誦弦歌不衰子路愠見曰君子亦有窮乎孔子曰君子固窮小人窮斯濫矣子貢色作孔子曰賜爾以

淮寧縣志卷之十一

古蹟

六

予爲多學而識之者與曰然非與孔子曰非也予一以貫之孔子知弟子有愠心乃召子路而問曰詩云匪兕匪虎率彼曠野吾道非耶吾何爲於此子路曰意者吾未仁耶人之不我信也意者吾未知耶人之不我行也孔子曰有是乎由譬使仁者而必信安有伯夷叔齊使知者而必行安有王子比干子路出子貢入見孔子曰賜詩云匪兕匪虎率彼曠野吾道非耶吾何爲於此子貢曰夫子之道至大也故天下莫能容夫子夫子蓋少貶焉孔子曰賜良農能稼而不能爲穡良工能巧而不能

爲順君子能修其道綱而紀之統而理之而不能
爲容今爾不修爾道而求爲容賜而志不遠矣子
貢出顏回入見孔子曰回詩云匪兕匪虎率彼曠
野吾道非耶吾何爲於此顏回曰夫子之道至大
故天下莫能容雖然夫子推而行之不容何病不
容然後見君子夫道之不修也是吾醜也夫道既
已大修而不用是有國者之醜也不容何病不容
然後見君子孔子欣然而笑曰有是哉顏氏之子
使爾多財吾爲爾宰于是使子貢至楚楚昭王興
師迎孔子然後得免

淮寧縣志卷之十一

古蹟

七

家語在厄篇孔子厄于陳蔡從者七日不食子貢
以所賫貨竊犯圍而出告糴于野人得米一石焉
顏回仲由炊之于壞屋之下有埃墨墮飯中顏回
取而食之子貢自井望見之不悅以爲竊食也入
問孔子曰仁人廉士窮改節乎孔子曰改節卽何
取於仁廉哉子貢曰若回也其不改節乎子曰然
子貢以所飯告孔子子曰吾信回之爲人久矣雖
汝有云弗以疑也其或者必有故乎汝止吾將問
之召顏回曰疇昔予夢見先人豈或啟祐我哉子
炊而進飯吾將進焉對曰向有埃墨墮飯中欲置

之則不潔欲棄之則可惜回卽食之不可祭也孔子曰然乎吾亦食之顏回出孔子顧謂二三子曰吾之信回也非待今日也二三子由此乃服之又孔子遭厄於陳蔡之間絕糧七日弟子餒病孔子絃歌子路入見曰夫子之歌禮乎孔子弗應曲終而曰由來吾語汝君子好樂爲無驕也小人好樂爲無懼也其誰之子不我知而從我者乎子路悅援戚而舞三終而出明日免於厄子貢執轡曰二三子從夫子遊而遭此難也其弗忘矣孔子曰善惡何也夫陳蔡之間丘之幸也二三子從丘者

淮寧縣志卷之十一

古蹟

八

皆幸也吾聞之君不困不成王烈士不困行不彰庸知其非激憤厲志之始於是乎在

陵陽臺 今不知其處

府志家語孔子自衛之陳陳侯起陵陽之臺

秋胡臺 在縣東南六十里俗傳秋胡仕陳時居此

秋胡魯人故又名魯臺

弩臺 卽今絃歌臺

後漢書孝明八王列傳陳王寵善弩射十發十中中皆同處中平中黃巾賊起郡縣皆棄城走寵有彊弩數千張出軍都亭國人數聞王善射不敢反

叛故陳獨得完百姓歸之者衆十餘萬人

太平寰宇記有陳王弩臺開元中移孔子廟於其上

藕臺 在城西北三十里舊志以爲卽古固陵之地但不知何以名藕臺且其地有鳴馬臺亦無所考

後漢書郡國志陽夏有固陵聚注史記高祖五年

追項羽至固陵晉灼漢書注云汝南固始縣

括地志固陵在陳州宛丘縣西北四十二里

河南通志固陵在陳州西北三十里

貯糧臺 在城外五里俗呼平糧冢高二丈大一頃

淮寧縣志卷之十一

古蹟

九

有四門林木鬱然未詳何代所築

石牛臺 在城東二十里舊志云昔有人發此得石牛因名

讀書臺 在城西北柳湖宋蘓轍爲教授築亭讀書

其中亭四面皆水夏月芰荷盛開足以娛目稱勝境焉明成化六年知州戴昕重構亭於上立碑識之後

屢加修葺 國朝康熙八年知州方于光修整勒石

九年知州劉汝埴又重修之額曰穎濱亭二十九年知州王清彥補築臺基重修亭宇今亭已圯碑尙存

梳洗臺 在城北二里宋狄青判陳州時築上建以

樓時遊憩焉今爲眞武廟石欄翠瓦掩映林木亦一勝觀也

望湖臺 今廢宋知州張詠有詩云昨日憑高向西望滿川烟樹雨濛濛范鎮詩云臺上望城下迢遙知幾尋湖光陰隱見多礙柳烟深

一統志望湖臺在陳州西園

孝義臺 在城南十里

紫荊臺 在城南二十里

防亭 在縣北詩防有鵲巢

博物志邛地在陳縣北防亭在焉

淮寧縣志卷之十一

古蹟

十

辰亭 在縣西

春秋宣公十一年楚子陳侯鄭伯盟于辰陵杜預註長平東南有辰亭陳州地

後漢書郡國志陳國長平故屬汝南有辰亭

路史國名紀郟古國宛丘西南四十里有郟亭是

後有郟氏

苑姓

乾隆府廳州縣圖志辰亭在縣西六十里亦曰辰陵亭

駐蹕亭 在城北蔡河濱洪武元年幸汴經陳因建亭以駐蹕正統間黃河水溢傾圮今遺址尙存

羲神實 未詳其處

水經注陳城東北三十許里有羲神當作羲城實路史炎帝紀上都於陳註今宛丘有陳城故陳國傳云太昊之虛或云神農不居此酈道元云今故城北有所謂羲神實者其處也實者對虛之名天文旗中四星爲天市其中星多則實虛則耗神農所在人民常實非若虛皆朝實而暮虛也

五穀營 在城北十里相傳神農種五穀處

桑落 在魯臺南

河南通志桑落在陳州孔子絕糧於此

淮寧縣志卷之十一

古蹟

十一

焦夷 在城東明化鄉

左傳僖公二十三年楚成得臣帥師伐陳遂取焦夷城頓而還

瓦關 在城南孝義鄉

河南通志瓦關在陳州南春秋時陳侯與頓子國相鄰立此爲界

龍王關 在城西南

水關 在城西南

河南通志在陳州平信鄉楚頃襄王立以脩秦兵卧治閣 在府治西漢太守汲黯所建今閣廢址存

白龜池 在城北一里畫卦臺前相傳伏羲於蔡水得白龜鑿此池以養之

東門池 在城內東北隅

水經注陳城東門內有池池水東西七十步南北八十許步水至清潔而不耗竭不生魚草水中有故臺處詩所謂東門之池也

神農井 今失其處

史記註云淮陽多古蹟有神農井

鳴井 在城東南三里以物投下聲應如鐘

義井 在南門外成化六年指揮李峴鑿二井以蘇

淮寧縣志卷之十一

古蹟

十二

暑月行人之渴

何莊村 在城南相傳何休居此

磨碓寨 在城東相傳黃巢圍城久四郊人大饑委

頓墻塹賊俘以食日數千人列巨磨數百納生人於

臼碎之合骨而食故名又名搗磨寨

東橋閘 在城東蔡河內今廢

綉尾閘 在城南蔡河內今廢

西園 在城西宋知州張詠創建中有七亭曰流芳

中燕流杯香陰環翠洗心望京有閣曰冷風堂曰清

思晏殊以故相守陳園之隙地有莎叢生殊愛護之

爲莎場旣成作記今廢

逸園 在城西北隅邑人蘇應元創建中有樓三有亭九隙地作石山潺潺澗水古木參差稱淮郡名勝相傳卽宋知州張詠之西園也康熙壬午應元子名傑令陽穀

聖祖南巡賜以詩綾扇各一因構樓以奉之雍正戊申園中產靈芝九本尤稱瑞异今廢已久其子若孫卽故園之西北別構小園名松園亦楚楚有致云亦園 在城東五里邑人季綰建繼蘇氏逸園而爲之故名曰亦時逸園已廢園主人以太湖石贈焉引

淮寧縣志卷之十一

古蹟

十三

泉爲渠架木爲梁臨淵樓在其側中有松墻木槿墻三月木槿盛開遊人雲集今已傾圯而山石猶巋然獨存

偏園 在城南四十里新站集邑人雷衣德建中有四宜草堂魚池亭積石爲山山下湧泉由小橋流入魚池池鎔以錫多蓄異鳥花木尤蕃茂往來達官皆有題詠又于園之西偏築小園有楓樹亭扇面亭廡月亭幽雅可愛今僅存基址矣

覓閑亭 在城東南二十里邑人祁庭儀建蓋取放翁老來欲覓數間閑之意終日與二三執友吟嘯其

中歲久傾圯風物頓殊而松柏有凌霄之勢云
綠野堂 在西門外大王廟中殿後建堂三楹東廊
九楹曲檻迴欄花陰竹影交相 映堂後有貫月橋
曲水池臨風亭叢雲閣諸勝每春秋佳日登高眺望
南則絃歌臺北則若羲陵若蘇亭歷歷在目晴明之
候極目六七里外樵夫牧豎往來夕照如梭驟雨忽
至則孤村遠樹出沒風烟頃刻間變態萬狀陳地名
園多廢士大夫以此爲勝境焉
宛丘八景 有圖附

墓冢

淮寧縣志卷之十一

古蹟

十四

周

陳胡公墓 舊州志謂在城東南世傳其墓用鐵冶
鑄成苔色蒼古在壕內今人謂在西北角臺下前人
詩中鐵墓卽此

漢

車騎都尉馮唐墓 在城東南三十五里
太守汲黯墓 在城東五十里
朱買臣墓 在城南十八里

府志云按漢書朱買臣傳與陳無涉梁元帝時將
有朱買臣未知是其墓否

三國

曹植墓 在城南三里俗名爲思陵冢

河南通志曹植墓在陳州南三里植魏封陳思王

唐

太尉趙犇墓 在城東地弟昶翊並葬此

五代晉

刺史陸思鐸墓 在城東北

宋

武襄公狄青墓 在城西北柳湖濱

龍圖閣直學士段少連墓 在城西卽段家塚

淮寧縣志卷之十一

古蹟

十五

知陳州張詠墓 在孝弟鄉謝村今爲平信鄉

明

侍御孟鏞墓 在城西北

方伯王良臣墓 在城西北

總憲張養志墓 在城東北萬歷癸丑賜葬於此

董烈婦墓 在城西北

魏烈婦墓 在城西北

以上皆古墓

黃土冢 在城南大堤內或作黃頭冢唐斬黃巢傳

首詣宛埋此又相傳每年臘月二十四日城內人多

於此冢取黃土泥竈故名黃土冢

平糧冢 在城東南八里

雙冢 有三處一在城東南十二里二冢相連高六七丈一在城西高丈餘止一冢不知何以名爲雙冢或謂春秋時陳女厲媯適衛莊公生孝伯蚤死其姊戴媯生桓公嬖人生州吁莊公卒桓公立州吁弑桓公而自立二媯大歸于陳卒葬于此又其南十餘里亦有雙冢較小按左傳及詩註大歸止戴媯無厲媯也

袁家冢 在城南三十里或云卽袁翻墓

淮寧縣志卷之十一

古蹟

十六

試劍冢 在城東南十八里

黃連冢 在城南十二里舊產黃連故名或以爲黃霸墓者誤

王家冢 在城南十四里黃連冢南

王禪冢 在城東南三十五里

五里堤冢 在城南五里高峙如門闕舊志謂古陳州城周三十里此或是古南城耳其近處有冢高卑大小不同不可勝計疑卽古宮城基址也

九女冢 在城南二十里相傳以爲陳共公墓或云

元女墓九字 元字之訛此說近是今無可考

方冢 在九女冢東形如覆

胡家冢 與方冢相近

泥河店冢 在城東南二十里

范家冢 在泥河店南數里

方城屯冢 在范家冢東南

連冢 在城西南五十里

魯臺三冢 在魯臺集東北

毛冢 在魯臺集北

城東冢 凡有幾處

楊湖冢 在城東北二十餘里

淮寧縣志卷之十一

古蹟

十七

蔣家冢 在城東北二十餘里俗呼蔣家臺

朱丘寺冢 在城東北三十五里

武家窪冢 在城東北三十里

亂冢 在城東北十數里凡數處

青冢 舊志云在城南未詳 有冢曰青谷堆在城

東北黃家集南離城四十里

戴冢 在城南六十里

坊表

繼天立極開物成務二坊 在太昊陵前左右

耀德宣威二坊 在兵備道署左右今廢

承流宣化二坊 在府治前左右今廢

淮陽古郡穎北名區二坊 在府治前左右

德星坊 在府治東今廢

忠義坊 在府治西今廢

孝義坊 在府治南今廢

廣化坊 在府治北今廢

則圖古壇坊 在畫卦臺側今廢

太和元氣坊 在文廟前今廢

昇平人瑞坊 爲張敬一門五老立在搬罾口

進士坊 爲張養志立在東門內大街今廢

淮寧縣志卷之十一

古蹟

十八

柱史父子繡衣坊 爲張養志立今廢

經魁坊 爲馬嵩立今廢

進士坊 爲馬嵩立今廢

進士坊 爲王修行立在新站集南

冲霄坊 爲吳增立今廢

鳴鳳坊 爲李倫立今廢

騰蛟坊 爲劉時禎立今廢

奪錦坊 爲劉一清立今廢

飛黃坊 爲嚴玘立今廢

奎光坊 爲張惟立今廢

進士坊 爲王良臣立今廢

繡衣坊 爲王良臣立後改大方伯坊今廢

恩榮坊 爲謝孟金立今廢

成志坊 爲何學禮立今廢

解元坊 爲紀朝宗立今廢

提督京營坊 爲孫勇立今廢

文光坊 爲韓上義立今廢

天曹榮寵坊 爲劉淳立今廢

諫議疏榮坊 爲宋一韓立今廢

孝義坊 爲雷顯宗立在城南新站集

淮寧縣志卷之十一

古蹟

十九

貞女坊 爲劉正位妻崔氏立今廢

貞烈坊 爲周氏立今廢

貞烈坊 爲董氏立今廢

貞烈坊 爲趙留姐立在城南瓦礫集

義行坊六 爲千戶張能 後所百戶許俊 文進

里民趙益 鄭莊里民朱昇 軍餘葛永立其一未

詳今俱不知其處

節孝坊 爲錢登科妻于氏立今廢

節孝坊 爲劉一麟妻李氏立今廢

節孝坊 爲劉作霖妻王氏立今廢

節孝坊 爲許如義妻鄭氏立今廢

節孝坊 爲高有憑妻李氏立在儒學署南

節孝坊 爲蘇狀妻李氏立在營房街東

節孝坊 爲高坦妻陳氏立在睢陳道舊治西

三世節孝坊 爲劉附名妻齊氏劉瑞色妻趙氏劉

先難妻田氏立在南門內大街

節孝坊 爲劉得位妻苑氏立今廢

節孝坊 爲孫夢雷妻張氏立在鼓樓西今廢

節孝坊 爲劉顯祖妻田氏立在城南劉家寨

節孝坊 爲齊丙妻龐氏立在城北齊老家莊

淮寧縣志卷之十一

古蹟

二十

貞孝坊 爲阮永登妻鄭氏立在城東北五十里

寺觀

玉皇觀

岳王觀

女媧觀

天仙觀

三清觀

祖師觀

以上六觀俱在太昊陵

太虛觀 在城東十二里東關卽董家閣

滌心觀 在城東十五里葛家店卽王奶奶廟

玄天觀 在城東二十五里

太和觀 在城東南十五里忠心集卽三將軍廟唐

趙犇兄弟破賊處

元都觀 在城西北二十五里柳林集

三元宮 在城南門外順城關內有司城貞子閣明

徽商龔相創建東置義田西置義塚兵備道徐卽登

於此立新安社課士知州徐宗儒又新之康熙二十

一年守備錢必秀重修乾隆五十八年知縣吳元潤

重修有碑記載集文

淮寧縣志卷之十一

古蹟

二十一

萬壽宮 在城西南五十四里周家口河東集

玄帝廟 在東月城今廢

又玄帝廟 在北月城今廢

又玄帝廟 在城東五十里鞏村北有碑記載集文

祖師廟 在城內文昌宮後

又祖師廟 在城東四十里戴家集

又祖師廟 在城東一百里鳴鳳林

又祖師廟 在城東北百一十里梁家口

又祖師廟 在城東南五十五里馮塘集

又祖師廟 在城東南五十五里魯臺集一名鐵祖

師廟

又祖師廟 在城東南六十里魯臺集

又祖師廟 在城南四十里新站集

又祖師廟 在城西南五十里苑土集

又祖師廟 在城西北二十五里柳林集

又祖師廟 在城西北四十里侯家鋪

又祖師廟 在城北九里

又祖師廟 在城北二十五里臨蔡城

奶奶廟 在城西關大王廟西

又奶奶廟 在北門外順城關玉皇廟東

淮寧縣志卷之十一

古蹟

二十二

又奶奶廟 在城東四十里戴家集

又奶奶廟 在城南三十五里新站集北一名徐奶

奶廟

又奶奶廟 在城南六十里沙埠口

又奶奶廟 在城南六十里任家橋

又奶奶廟 在城北二十五里臨蔡城

洪山廟 在柳湖南畔今廢

又洪山廟 在城東四十里戴家集

又洪山廟 在城東五十里安溝營

又洪山廟 在城西二十五里指揮營

又洪山廟 在城北二十五里鞍子嶺北基在塚上

太山廟 在城東北三十五里黃家集

又太山廟 在城東北七十里魏家店

又太山廟 在城東南二十五里常伯屯

又太山廟 在城東南六十里魯臺集

又太山廟 在城西北二十五里柳林集

又太山廟 在城北三十里張家橋

又太山廟 在城北九十里杜村堂

玉皇廟 在城北門外順城關奶奶廟西

又玉皇廟 在城西北五十里牛耳堡寺

淮寧縣志卷之十一

古蹟

二十三

又玉皇廟 在城西北八十五里大陸崗

眞武廟 在城西北蔡河澣卽狄青梳洗臺基

又眞武廟 在城南十二里王家店

又眞武廟 在城西北二十五里柳林集

又眞武廟 在城北十八里沙窩

人祖廟 在城東南四十里馮塘集

又人祖廟 在城南六十里蔡家橋

又人祖廟 在城北九里五穀臺

天仙廟 在城東南四十里馮塘集

又天仙廟 在城東南六十里魯臺集

又天仙廟 在城南六十里尹練集

丘家廟 在城東三十五里新堤

又丘家廟 在城北十五里鞍子嶺南

三官廟 在城東南四十里鴨兒崗

又三官廟 在城南四十里新站集

又三官廟 在城西南五十四里周家口河東集

又三官廟 在城北二十五里臨蔡城

郭家廟 在城東三十里戴家集西

又郭家廟 在城東北百一十里鳴鳳林

三義廟 在大北關今廢

淮寧縣志卷之十一

古蹟

二十四

又三義廟 在城西南五十四里周家口河東集

瘟神廟 在城內党姑寺南

又瘟神廟 在東月城內

五顯靈官廟 在南月城內今廢

江東神廟 在南月城門上今廢

間王廟 在北月城內康熙二十九年僧奉天募修

今廢

三元廟 在北月城內今廢

元君廟 在南門外或云卽碧霞宮

張真人廟 在大北關三義廟左今廢

南海廟 在東北堤口八步橋畔卽華臺寺明正統
年建

葛家店廟 在城東二十五里

增福廟 在城東三十里

黃仁廟 在城東三十里

蝗蟲廟 在城東三十里

太子廟 在城東北三十五里

趙家廟 在城東四十里戴家集

馮天齊廟 在城東北四十里

焦家廟 在城東北六十里

淮寧縣志卷之十一

古蹟

二十五

丁家廟 在城東四十里戴家集

千戶廟 在城東九十里柳河崗

季家廟 在城東九十里柳河崗

香劉廟 在城東北百一十里

中宮廟 在城東北百一十里

蕭公廟 在城東北百一十里

耿口廟 在城東北百一十里

雙堂廟 在城東北九十里福興集

白家廟 在城東南十里

石牛臺廟 在城東南三十里

無極廟 在城東南四十里

機神廟 在城東南六十里魯臺集

府君廟 在城東南六十里魯臺集

黃連塚廟 在城南十里基在塚前

九女塚廟 在城南二十里基在塚上

袁塚廟 在城南二十五里基在塚上

戴塚廟 在城南六十里基在塚上

倪廟 在城南七十里

琉璃廟 在城南八十里

車家廟 在城西南三十五里

淮寧縣志卷之十一 古蹟 二十六

高家廟 在城西南十五里

老虎廟 在城西六里

劉家廟 在城西二十五里指揮營

王娘娘廟 在城西三十里

張家廟 在城西北二十五里柳林集

蓋家廟 在城西北六十里

郝家廟 在城北十里

石佛廟 在城北二十里

党姑寺 在舊縣治前街

法華寺 在東門內明百戶党信指揮陳萬重修今

已傾圮僅存巨鐘

月波寺 在城內東南隅四面皆水寺居波心每夜月光倒影清澈可挹後爲放生池州牧蕭國弼築之又築魁星樓於對面乾隆三十九年邑紳改建於城東南隅嘉慶三年僧照擎募修殿宇惟樓三楹未建繼築航渡橋於寺西其後有橋爲東門橋一名金龍橋邑人賀建糾修嘉慶十六年邑紳趙慶雲捐修易磚爲石

銅佛寺 在城內東北隅明成化初指揮姜漢捐地建修今廢

淮寧縣志卷之十一

古蹟

二十七

洪福寺 在北門外畫卦臺西北明洪武十七年置僧正司於內嘉慶二十三年知府李振翥率知縣劉廣澍千戶劉國棟邑紳趙慶雲等勸募重修有碑記載集文

舊志載宋仁宗幸洪福寺按通鑑明道元年宸妃李氏薨劉太后以一品禮殯於洪福院明道二年仁宗追尊母宸妃李氏爲皇太后幸洪福寺祭告易梓宮無幸陳州之事且宋都汴京宸妃不當遠殯陳州考河南通志云洪福寺有七一在府城東北一在陳州北關則仁宗所幸乃開封洪福寺非

陳州洪福寺也舊志誤

開元寺 今廢

按宋蘇子由宛丘二詠原註開元寺殿下有山茶一株枝葉甚茂數年不開轍向從子瞻遊此每以爲恨二月中山茶復開千餘朶因作詩奉寄今不知其處矣

三教寺 在城東十二里

明馬寺 一名明化寺在城東二十里明化舖

黃德寺 在城東四十里戴家集

朱丘寺 在城東北四十五里

淮寧縣志卷之十一

古蹟

二十八

草寺 在城東北九十里

迴龍寺 在城東北百一十里鳴鳳林

沙岡寺 在城東五十里左杜村

范塚寺 在城東南三十里忠心 在塚上

將軍寺 在城東南三十五里俗傳 將駒寺

慶會寺 在城東南四十里

蘆泉寺 在城東南四十里

龍泉寺 在城東南四十里

大悟寺 在城東南五十里

興教寺 在城東南六十里展家口

龍江寺 在城東南六十里白飯舖

上元寺 在城東南六十里魯臺集

雲中寺 舊名崇興寺亦名鴛塚寺在城東南六十

里嘉慶十四年邑紳鄭瀛勸募重修有碑記載集文

崇寧寺 在城東南六十里俗名喇嘛寺

何吞寺 在城東南五十里巴家集

臺頭寺 在城東南六十里展家口

天王寺 在城東南六十里蔡河口

樊聖寺 在城東南六十里展家口

梵招寺 在城東南九十里一名樊趙寺

淮寧縣志卷之十一

古蹟

二十九

普濟寺 在城南十二里三塚窪

夏家寺 在城南十五里

朱里寺 在城南二十里買臣集

瓦關寺 在城南三十里瓦礫集南一名瓦礫寺

馬策寺 在城南七十里左楊寨

梁臺寺 在城南九十里蔡庄集

羊皮寺 在城西南五十里苑土集

石佛寺 在城西南十八里李家集

趙廠寺 在城西南十八里李家集

潁水寺 在城西南五十四里周家口今廢

永福寺 在城西十五里鄭家集

叅覺寺 在城西十八里

包家寺 在城西二十五里指揮營

黃崗寺 在城西六十里栗七集

袁果寺 在城西六十里柳涉河

大悲寺 在城西北三十五里侯家鋪

祝臺寺 在城北二十五里觀音堂

牛耳堡寺 在城北三十里

于丘寺 在城北三十里

蓮果寺 在城北三十里鞍子嶺北

淮寧縣志卷之十一

古蹟

三十

回龍寺 在城北七十里大良店

觀音寺 在城東五十里安溝營

又觀音寺 在城東南八十里白飯鋪

又觀音寺 在城西南三十五里一名大觀音寺

興龍寺 在城南二十里瓦礫坡

又興龍寺 在城西五十里柳涉河

永興寺 今廢

壽聖寺 今廢

彌陀寺 今廢

慈善寺 今廢

隆慶寺 今廢

平丘寺 今廢

藥聖寺 今廢

福嚴寺 今廢

慈恩寺 今廢

諸仙寺 今廢

聖福寺 今廢

天寧寺 河南通志云在陳州東北今廢

大慈庵 在千總署西邑人程姓趙姓捐建嘉慶十

二年邑紳趙萬里重修

淮寧縣志卷之十一

古蹟

三十一

甘露庵 在南關甜水井畔

觀音堂 在南門內俗名背座觀音堂知縣吳元潤

邵希曾各有修葺

又觀音堂 在城南四十里新站集

又觀音堂 在城西北二十五里

張家堂 在城東南五十里左杜村

又張家堂 在城西南十五里俗名黑張家堂

又張家堂 在城西南三十里擺蔴溝

李家堂 在城南百一十里

又李家堂 在城西十二里

又李家堂 在城西北二十五里柳林集

汪家堂 在城東北八十里杜村堂

又汪家堂 在城南六十五里草廟屯

吳家堂 在城南七里

又吳家堂 在城北四十五里

胡家堂 在城西南五里

又胡家堂 在城北二十五里

孟家堂 在城東北三十里

又孟家堂 在城東南二十里

劉家堂 在城西十八里

淮寧縣志卷之十一

古蹟

三十二

又劉家堂 在城北三十五里

强家堂 在城東北二十里

栗家堂 在城東北二十五里

宋家堂 在城東北五十里

馬家堂 在城東北五十里

曹家堂 在城東北百一十里

三里堂 在城東南三里

白家堂 在城東南三十五里

鮑家堂 在城南二十五里

蘇家堂 在城南六十里

羅家堂 在城南七十里

劉拱堂 在城西南三十里白馬溝

賈家堂 在城西南三十里搬醫口東

梁家堂 在城西二十五里指揮營

毛家堂 在城西二十五里指揮營

沈家堂 在城西五十里柳涉河

白衣堂 在城北六十里

天仙閣 在城內西北隅燕窩側今廢

白衣閣 在東關

又白衣閣 在南關陳檄建

淮寧縣志卷之十一

古蹟

三十三

又白衣閣 在北關東堤

譚家閣 在城東北十里

秦家閣 在城東北二十里

白家閣 在城東南五里

賈家閣 在城東南三十里

